



Laura Tàunâjik,
Inatsisartuni ilaasortaq
Siumut
laura@inatsisartut.gl

Palasit qassiunerat taakkuninngalu amigaateqarneq pillugu apeqqummut allaganngorlugu akissut

20-10-2015
Suliap nr. 2015 - 13156
All. nr. 1362403

Asasara Laura,

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: iklin@nanoq.gl
www.nanoq.gl

Akunnermi apeqquteqarfiusumi ulloq 14. oktober 2015 neriorsorpakkit allaganngorlugu akissuteqarfiginiarlutit apeqqutigisatit pillugit tassa palasit qassiunerat taakkuninngalu amigaateqarneq pillugu.

Naalakkersuisut biskoppeqarfimmiit paasissutissanik pissarsiaminnit nalunaarutigisinnaavaat, maannakkorpiaq palasit amerlassusiligaanerinit 26-usunit 22-it atorfeqartinneqarmata. Illoqarfiit tamarmik palasimik ataatsimik atorfeqartitsisussatut amerlassusilerneqarsimapput, taamaattorli Ilulissat Sisimiullu pinnagit taakku marlunnik palaseqartussatut amerlassusiliiffigineqarsimasut aamma Nuuk pingasunik palaseqartussatut amerlassusiliiffigineqarsimasoq. Ilanngullugit Ilulissat aamma Nuuk provstimik angerlarsimaffigineqarput, taakku aamma sumiiffimmi palasit atuuuttut.

Aammattaaq Naalakkersuisut nalunaarutigisinnaavaat palasissatut aalajangersimasumik ilinniartitaaneq neqeroorutigineqartanngittoq, taamaattumillu immikkoortinneqartanngillat teologiimik pitsaassusilimmik soraarummeernermit ingerlatsisimasut tamatumalu kingornatigut Kalaallit Nunaanni Danmarkimiluunniit palasinngorniatut seminariamiissimasut taamatullu pitsaassusilimmik ilinniagaqarsimasut aamma palasitut ivertinneqarsimasut akornanni. Taaneqartut siullit suli palasiunngillat, kisiannili taakkunannga palasinngortinneqarsimasut palasitut taagorneqarlutik.

2001-imiilli Ilisimatusarfirmi teologiimik ilinniartitaanermit inuit 23-it ingerlatsinikummat. Inunnit taakkuninnga 23-init tamatuma kingorna 10-it palasitut ivertinneqarsimapput. Taakkuninnga ivertinneqarsimasunit 10-init palasitut sulisuusut 22-usut akornanni 8-it nassaassaapput.

Inussiarnersumik inuulluaqqusillunga

Nivi Olsen